


四庫全書佛典

6



# 四庫全書佛典



圖書在版編目 (CIP) 數據

四庫全書佛典 / (南朝) 僧佑等著. -- 北京: 商務印書館, 2017

ISBN 978-7-100-13957-1

I . ①四… II . ①僧… III . ①佛經 - 匯編 IV .  
① B94

中國版本圖書館 CIP 數據核字 (2017) 第 110417 號

責任編輯: 吳曉梅

責任印制: 徐 仲

封面設計: 曲閔民

權利保留, 侵權必究。

四庫全書佛典

[南朝] 僧 佑 等著

商 務 印 書 館 出 版

(北京王府井大街 36 號 郵政編碼 100710)

商 務 印 書 館 發 行

北京世藝印刷有限公司

ISBN 978-7-100-13957-1

2017 年 9 月第 1 版 開本 787×1092 1/16

2017 年 9 月第 1 次印刷 印張 354 $\frac{1}{4}$

定價: 2980.00 元

貴州师范学院内部使用

# 目錄

宋高僧傳

卷九至三十

宋·釋贊寧撰

一

法藏碎金錄

卷一至十

宋·晁迥撰

三〇七

道院集要

卷一至三

宋·晁迥撰 王古編

四八八

禪林僧寶傳

卷一至三十

宋·釋惠洪撰

五一六

附 補禪林僧寶傳

宋·釋慶老撰

六五八

臨濟宗旨

宋·釋惠洪撰

六六二

欽定四庫全書

子部  
宋高僧傳卷九

欽定四庫全書

宋高僧傳卷九

宋 釋贊寧 撰

習禪篇第三之二

上傳十四人  
附見四人

唐京兆慈恩寺義福傳一行

釋義福姓姜氏潞州銅鞮人也幼慕空門泰累世務初

止藍田化感寺處方丈之室凡二十餘年未嘗出房宇

之外後隸京師慈恩寺道望高峙傾動物心開元十一

欽定四庫全書

宋高僧傳  
卷九

年從駕往東都經蒲魏二州刺史及官吏士女皆齋楮

花迎之所在途路充塞拜禮紛紛瞻望無厭以二十年

卒有制謚號曰大智禪師葬于伊闕之北送葬者數萬

人中書侍郎嚴挺之躬行喪服若弟子焉又撰碑文神

秀禪門之傑雖有禪行得帝王重之無以加者而未嘗

聚徒開法也洎乎普寂始於都城傳教二十餘載人皆

仰之初福往東洛召其徒戒其終期兵部侍郎張均太

尉房瑄禮部侍郎韋陟常所信重是日皆預造馬福乃

詳校官編修臣周瓊

總校官舉人 臣章維楨  
校對官修撰 臣吳錫麟

滕錄監生 臣法炯

升堂為門人演說且曰吾沒日景當為此決別耳久之  
張謂房曰某夙歲餌金丹未嘗臨喪言訖張遂潛去福  
忽謂房曰與張公遊有年矣張公將有非常之咎名節  
皆虧向來若終此法會足以免禍惜哉乃提房手曰必  
為中興名臣其勉之言訖而終後張均陷賊庭也受其  
偽官而房翼戴兩朝畢立大節皆終福之言矣又釋行  
思姓劉氏廬陵人也濡潤厥躬貞諒其性出塵之後納  
戒已還破觚求圓斷雕為朴厥志天然也往韶陽見大

欽定四庫全書

宋高僧傳  
卷九

唐京師興唐寺普寂傳

釋普寂姓馮氏蒲州河東人也年纔稚弱率性軒昂離  
俗升壇循于經律臨文揣義迥異恒流初聞神秀在荆  
州玉泉寺寂乃往師事凡六年神秀奇之盡以其道授

焉久視中則天召神秀至東都論道因薦寂乃度為僧  
及秀之卒天下好釋氏者咸師事之中宗聞秀高年特  
下制令普寂代本師統其法衆開元二十三年勅普寂  
於都城居止時王公大人競來禮謁寂嚴重少言來者  
難見其和悅之容遠近尤以此重之二十七年終于上  
都興唐寺年八十九時都城士庶謁者皆制弟子之服  
有制賜謚曰大慧禪師及葬河南尹裴寬及其妻子並  
纒麻列于門徒之次傾城哭送閭里為之空焉裴尹之

欽定四庫全書

宋高僧傳  
卷九

重寂職有由矣寂之闡化神異頗多裴皆目擊又得心  
印歸向越深時多譏誚裴日夕造謁執弟子禮曾無差  
脫一日詣寂寂懸知弟子一行之亡及寂之終滅裴之  
悲慟若喪所親纒經徒步出城妻子同爾措紳之譏生  
於是矣

系曰人之情也有愛惡焉愛之者不見可惡惡之者不  
見可愛矣夫萬物紛綸任其愛惡折中之道可愛而不  
可惡愛之者君子也惡之者小人也愛之不以道則君

子之病矣裴尹冠裳在御職事在躬不避密行顯擬時  
謗宜哉譬諸僧耽俗務胡不捨袈裟而衣逢掖乎若實  
得道後終期脫屣有何不可耶寬不抽簪何悖禮於丘  
之門歟寬若行方外之道復何誅焉達人大觀物無不  
可矣

### 唐南嶽觀音臺懷讓傳

釋懷讓俗姓杜金州安康人也始年十歲雅好佛書炳

然殊姿特有靈表識者占是出家相非染俗貴人寶來

欽定四庫全書

宋高僧傳  
卷九

四

瑞國慶無疆方之麟鳳龜龍無萬數也天地無全功氣  
序有盈虛網維缺壞補塞不足皆冥維密祐惟應度者  
乃燭厥理非庸庸所知也弱冠詣荆南玉泉寺事恒景  
律師便剃髮受具歎曰夫出家者為無為法天上人間  
無有勝者經之所謂出四衢道露地而坐也時坦禪師  
乃勸讓往嵩邱觀安公安啟發之因入曹侯溪觀能公  
能公怡然無馨無臭洪波泛臻大壑之廣乎韶覆合奏  
大樂之和乎讓之深入寂定住無動道場為若此也能

公大事緣畢讓乃躋衡嶽止于觀音臺時有僧元至拘

刑獄舉念願讓師救護讓早知而勉之其僧脫難云是

救苦觀音得斯號也亦由此馬化緣斯盡傳法弟子曰

道峻曰道一皆升堂觀奧也其後一公振法鼓于洪州

其門弟子曰惟寬懷暉道一大緣將訖謂寬等曰吾師

之道存乎妙者也無待而常不住而至能事集矣金口

所生從法而化於我為子及汝為孫一燈所傳何有盡

者讓以儀鳳二年生至天寶三載八月十日終于衡嶽

欽定四庫全書

宋高僧傳  
卷九

五

春秋六十八僧臘四十八一公建塔于別峯元和中寬

暉至京師揚其本法門大啟傳百千燈京夏法寶鴻

緒於斯為盛至八載衡陽太守令孤權問讓前迹權捨

衣財以充忌齋自此每歲八月為觀音忌馬寶厯中勅

謚大慧禪師塔號最勝輪元和中常侍歸登撰碑云

### 唐京師大安國寺楞伽院靈著傳

法說

釋靈著姓劉氏絳州巴西人也年殆志學方遂出家登

戒尋師不下千里年四十精毗尼道兼講涅槃一律一

經勤於付授晚歲請問大照禪師領悟宗風守志彌篤  
 後詣長安誕敷禪法慕道求師者不減千計若魚龍之  
 會淵澤也以天寶五載四月十日申時示滅于安國寺  
 石楞伽經院享壽五十六僧夏三十六將終寺中亟多  
 變怪蓋法門梁棟之類撓也著跣跡而坐怡然而化三  
 七日後茶毗起塔于龍首岡鄰佛陀波利藏舍利之所  
 帝女媧之墳石以其年十月十日遷入塔焉弟子朗智  
 道珣如一追慕師德香火不絕內侍上柱國天水趙思  
 欽定四庫全書

宋高僧傳

卷九

六

指南多有所證以天寶二載十二月十三日天之將曉  
 告侍者端坐奄從泥曰春秋六十五僧臘減二十年于  
 時山鳥哀鳴雲霧濛濛遠近檀越悲泣者如堵以其月  
 十九日遷殯于寺側山原有弟子俞法界及子懷福猶  
 子希秀等舊所歸心結塔營事皆出其家塔因會昌中  
 所毀今存趾焉碑石漫没吁哉

唐潤州幽棲寺元素傳

釋元素字道清俗緣馬氏潤州延陵人也生有異度幼  
 而深仁乳育安靜髻亂希尚求歸釋門父母從之出依  
 淨域以如意年中始奉制度諫名于江寧長壽寺進具  
 已後戒光騰燭定水澄漣思入元微行逾人表既解色  
 空常慕宗匠晚年乃南入青山幽棲寺因事威禪師躬  
 歷彌載撞鐘大鳴威誨以勝法得其不刊之旨從是伏  
 形苦節交養恬和敗納觀身寒暑不易貴賤怨親曾無  
 喜愠時目之為嬰兒行菩薩道業既高人希瞻禮開元  
 年中僧汪密請至京口郡牧韋銑屈居鶴林四部歸誠

欽定四庫全書

宋高僧傳

七

充塞寺宇素納衣空牀未嘗出戶王侯稽首不為動搖  
顧世名利猶如幻馬忽於一日有屠者來禮謁自生感  
悟懺悔先罪求請素明中應供乃欣然受之降詣其舍  
士庶驚駭咸稱異哉素曰佛性是同無生豈別但可度  
者吾其度之何異之有天寶之初吳越瞻仰如想下生  
揚州僧希元請至江北竊而宵遁黑月難濟江波淼然  
持舟擬風俄頃有白光一道引棹直渡通波獲全楚人  
相慶佛日再耀傾州奔赴會於津所人物拒道間無立

欽定四庫全書

宋高僧傳  
卷九

位解衣投施積若山邱略不干其懷抱今悉充悲田之  
費禮部尚書李愷為揚州牧齋心虔虔二時瞻近未幾  
而京口道俗思渴法音仍移牒渡江再請還郡二處紛  
諍莫決所從李時謂人曰本期奉道反成愛憎因任從  
所請却歸南郡其感物慕德罕有與倫以天寶十一載  
十一月十一日中夜無疾而化春秋八十有五哀感人  
倫慟徹城市以其月二十一日奉全身建塔于黃鶴山  
西所住之地方伯邑宰盡執喪師之禮率眾申哀江湖

震響素往於寺內坐禪之所高松偃覆如蓋及移他樹  
還互如前又當捨壽之夕房前雙桐無故自枯識者以  
為雙林之變但真乘妙理絕相難思嘉瑞靈祥應感必  
有經云隨緣赴感即其事也有門弟子法鑑及吳中法  
欽此二大士重光道原僉具別傳受菩薩戒弟子吏部  
侍郎齊澣廣州都督梁卿潤州刺史徐嶠京兆韋昭理  
給事中韓賞御史中丞李丹禮部崔令欽並道流人望  
咸欵師資亦嘗問道於徑山猶樂正子春於夫子洗心

欽定四庫全書

宋高僧傳  
卷九

瞻仰天漢彌高水鑑明心悟深者衆矣洎太和中遠慕  
遺風高其令德追謚大律禪師太和大寶杭之塔後人  
多以俗氏召之曰馬祖或以姓名兼稱曰馬素是也  
系曰彌天以出家子咸姓釋氏懸合後到阿含經可不  
務乎素師以俗姓呼之必有由矣噫繁盛法嗣猶不能  
過此訛稱則知素師名翼一飛四海仰止故登俗域今  
警將來宜正名也

唐均州武當山慧忠傳

釋慧忠俗姓冉氏越州諸暨人也孰辨甲子或謂期頤之年肌膚冰雪神宇峻典少而好學法受雙峯默然真心承一印行無住相歷試名山五嶺羅浮四明天目白崖倚帝紫閣摩訶或松下安居於九旬或嵌空息慮於三昧既懸明月之戒亦淨瑠璃之心已度禪定之門不起無生之見竊若蘇盧八風莫能動清如淨鑑萬象何所隱可止也我則武當千峯狎於麋鹿可行也我則虎溪一徑分衛人間薄遊吳楚以至于順陽川馬十居

欽定四庫全書

宋高僧傳

十

凌竹辭檢理詣折彼慢幢論頓也不留朕迹語漸也返常合道得之於心伊蘭作梅檀之樹失之於指甘露乃蒺藜之園妙不可傳花多果少世有執磔水中若獲瑠璃之寶掬泡瓶內謂得摩尼之珠忠所以訶之止之不能已矣故有起毗盧之說今其不著佛求越法身之該俾夫無染正性豈毗盧之可越而法身之可超哉是以虛空之心合虛空之理纖妄若雲翳宗通如日月朝郎結駟而至安禪不動受其頂謁儼如也蓋所謂昔人不

欽定四庫全書

宋高僧傳

十一

戴定區夏聞其德高以上元二年正月十六日勅內給事孫朝進驛騎迎請其手詔曰皇帝信問朕聞調御上乘以安中土利他大士共濟羣生師以法鑑高懸一音演說藏開秘密境入圓明大悲不倦於津梁至善必明於兼濟尊雄付囑實在朕躬思與道安宣揚妙用廣滋福潤以及大千傳罔象之元珠拔沈迷之毒箭良緣斯在勿以為勞杖錫而來京師非遠齋心已久副朕虛懷

春寒師得平安好遣書指不多及忠常以道無不在華野莫殊遂高步入宮引登正殿霜杖初下日照龍衣天香以焚風飄羽蓋時忠驥首接武神儀肅若天子欽之待以師禮奏理人治國之要暢唐堯虞舜之風帝聞竦然膝之前席九龍灑蓮華之水萬乘飲醍醐之味從是肩舁上殿坐而論道不拘彞典也尋令驃騎朱光輝宣旨往千福寺相國崔渙從而問津理契於心談之朝野識真之士往往造焉洎夫寶應臨御以孝理國匪移前

欽定四庫全書

宋高僧傳  
卷九

十三

睽劃開萬里之天若見三江之月又勅內侍袁守宏迎近闕下光宅寺安置香飯雲來紫衣天降雖使臣擁禪門而不進御府列玉帛而盈庭了之如泡觀之若夢澹然閑任自樂天倪亦可羅浮不歸方名宴坐雙峯長往始契無生者哉成聖元胎於是乎在固所以萬行齋發千門不累於心矣則兜率之鼓無形乃聲脩羅之琴不撫而韻香傳天主花雨空王見之於忠矣常以思大師有言若欲得道衡嶽武當因秦武當山請置太一延昌

寺白崖山黨子谷置香巖長壽寺各請藏經一本度僧護持二聖御影鎮彼武當王言惟允有司承式猴江鴈塔雖未飾於中峯茅棟柴扉便以名於梵宇睿札題額鸞迴鵲飛山川光煌黑白拚躍想金殿之可期觀瑤臺之非遠至大厯八年又奏度天下名山僧中取明經律禪法者添滿三七人道門因之羽服緇裳罔不虔懃數盈萬計用福九重也忠往在南陽陷於賊境固請迴避皆不允之臨白刃而辭色無撓據青雲而坐坐不屈魁

欽定四庫全書

宋高僧傳  
卷九

十三

帥觀其禪德淡若風韻高逸投劍羅拜請師事焉于時避寇遇寇者衆矣無何羣盜又至乃曰未可以踵前也遂杖錫發趾沿江而去有數其先蹤堅住不避者盡被誅戮則知雲物氣象有如先覺存而不論道何深也金籍曰般若無知而無不知斯之謂歟內德既充外應彌廣自藏珍寶人莫之窺於戲論龍奮迅而龜多不知切利雨華而明徹莫識前賢厭世正眼隨滅不亦悲夫忽疾將亟國醫罔効自知去辰衆問後事乃曰佛有明教

依而行之則無累矣吾何言哉粵十年十二月九日子時右脅纒足泊然長往所司聞奏皇情憫焉中使臨弔賻贈甚厚勅謚號曰大證禪師有詔歸葬于黨子之香巖寺循其本也威儀手力所在支給具飾終之禮哀慟梵場也勅常修功德使檢校殿中監興唐寺沙門大濟早接道論豁如披雲雖非門人哀逾法嗣凡有敷奏聖皆允焉在家弟子開府孫知古并弟內常侍朝達居士景超昆季等僧弟子千福寺志誠光宅寺智德香巖寺欽定四庫全書

宋高僧傳 卷九 十四

主道密等凡數萬人痛石室之末籌悲雲峯之聳塔晨鐘徒擊於高殿夕梵空奏於前山哲人云亡疇將做仰譯經沙門飛錫為碑紀德焉

唐太原甘泉寺志賢傳

釋志賢姓江建陽人也夙心剛整幼且成規既遂出家尋加戒品霑嘗漸教守護諸根抗節修心不違律範大寶元年於本州佛跡巖承事道一禪師曾無間然汲水拾薪惟務勤苦遊方見金華山赤松洞是黃初平叱石

羊之地鬱林峻嶺泉湖百步許意樂幽奇既棲巔頂野老負香糝蔬茹以供之時天大旱賢望空擊石曼罵諸龍曰若業龍無能為也其菩薩龍王胡不遵佛勅救百姓乎敲石纔畢霈然而作婺人咸悅後遊長安召公碩德列請為大寺功德之師賢悚然不顧明日遂行登五臺尋止太原甘泉寺道俗請學禪理者繼至無疾而終勅謚大遠禪師旌乎厥德矣

唐黃龍山惟忠傳

欽定四庫全書 釋惟忠姓童氏成都府人也幼從業於大光山道願禪師神驥伏櫪雖止也發蹄則超忽千里焉遊嵩嶽見神會禪師折疑沈默處于大方觀覽聖跡見黃龍山鬱翠而奇異乃營茅舍其窮溪極谷而多毒龍噴氣濛濛山民犯者多如中瘴焉醫工寡効忠初不知獨居禪寂澗飲木食其怪物皆卷而懷矣山民無害或聞空中聲云得師居此民之多幸令我解脫也鄉人因號是山為伏龍言忠弭伏鱗蟲之長故此名焉以建中三年入滅報

宋高僧傳 卷九 十五

齡七十八其年九月遷塔云

### 唐南嶽石頭山希遷傳

釋希遷姓陳氏端州高安人也母方懷孕不喜葷血及生岐嶷雖在孩提不煩保母既冠然諾自許未嘗以氣色忤人其鄉洞獠民畏鬼神多淫祀率以牛酒祚作聖望遷輒往毀叢祠奪牛而歸歲盈數千鄉老不能禁其理焉聞大鑿禪師南來學心相踵遷乃直往大鑿衍然持其手且戲之曰苟為我弟子當肖遷道爾而笑曰諾

欽定四庫全書

宋高僧傳  
卷九

十一

既而靈機一發廓若初霽自是上下羅浮往來三峽間開元十六年羅浮受具戒是年歸就山夢與大鑿同乘一龜泳於深池覺而占曰龜是靈智也池是性海也吾與師乘靈智遊性海久矣又何夢邪後聞廬陵清涼山思禪師為曹溪補處又攝衣從之當時思公之門學者麀至及遷之來乃曰角雖多一麟足矣天寶初始造衡山南寺寺之東有石狀如臺乃結菴其上杼載絕岳眾仰之號曰石頭和尚焉初嶽中有固瓚讓三禪師皆曹

溪門下僉謂其徒曰彼石頭真師子吼必能使汝眼清

涼由是門人歸慕焉或問解脫曰誰能縛汝問淨土曰誰能垢汝其答對簡速皆此類也廣德二年門人請下于梁端自江西主大寂湖南主石頭往來憧憧不見二大士為無知矣貞元六年庚午歲十二月二十五日順化春秋九十一僧臘六十三門人慧朗振朗波利道悟道銑智舟相與建塔于東嶺塔成三十載國子博士劉軻素明元理欽尚祖風與道銑相遇盛述先師之道軻

欽定四庫全書

宋高僧傳  
卷九

十一

追仰前烈為碑紀德長慶中也勅謚無際大師塔曰見相馬

### 唐成都府淨衆寺神會傳

釋神會俗姓石本西域人也祖父徙居因家于岐遂為鳳翔人矣會至性懸解明智內發大璞不耀時未知之年三十方入蜀謁無相大師利根頓悟冥契心印無相難曰吾道今在汝矣爾後德充慧廣鬱為禪宗其大略寂照滅境超證離念即心是佛不見有身當其凝閉無

象則土木其質及夫妙用默濟雲行雨施蚩蚩羣吐陶然知化觀貌遷善聞言革非至於廓蕩昭洗執縛上中下性隨分令入以貞元十年十一月十二日示疾儼然跏趺坐滅春秋七十五法臘三十六沙門那提得師之道傳授將來以十二年二月二十二日門人弟子緇俗遷座于本院之北隅孺慕師德號哭之聲山林為之變色初會傳法在坤維四遠禪徒臻萃于寺時南康王章公臯最歸心于會及卒哀咽追仰蓋粗入會之門得其欽定四庫全書

宋高僧傳 卷九

六

唐杭州徑山法欽傳

釋法欽俗姓朱氏吳郡崑山人也門第儒雅祖考皆達元儒而傲睨林藪不仕欽託孕母管氏忽夢蓮華生於庭際因折一房繫於衣裳既而覺已便惡葷羶及迄誕彌歲在於髻辮則好為佛事立性溫柔雅好高尚服勤經史便從鄉舉年二十有八倣裝赴京師路由丹徒因遇鶴林素禪師默識元鑒知有異操乃謂之曰觀子神

府溫粹幾乎生知若能出家必會如來知見欽聞悟識

本心素乃躬為剃髮謂門人法鑑曰此子異日大興吾

教與人為師尋登壇納戒鍊行安禪領徑直之一言越

周旋之三學自此辭素南征素曰汝乘流而行途徑即

止後到臨安視東北之高巖乃天目之分徑偶問樵子

言是徑山遂謀挂錫於此見苦蓋覆置網屑近而宴居

介然而坐時雨雪方霽旁無煙火獵者至將取其物頗

甚驚異歎嗟皆焚網折弓而知止殺焉下山募人營小

欽定四庫全書

宋高僧傳 卷九

七

室請居之近山居前臨海令吳貞捨別墅以資之自茲

盛化參學者衆代宗睿武皇帝大曆三年戊申歲二月

下詔曰朕聞江左有蘊道禪人德性冰霜淨行林野朕

虛心瞻企渴仰懸懸有感必通國亦大慶願和尚遠降

中天盡朕歸向不違願力應物見形今遣內侍黃鳳宣

旨特到詔迎速副朕心春暄師得安否遣此不多及勅

令本州供送凡到州縣開淨院安置官吏不許謁見疲

師心力弟子不其多少聽其隨侍帝見鄭重咨問法要

供施勤至司徒楊綰篤情道樞行人表一見欽於衆退而歎曰此實方外之高士也難得而名焉帝累賜以繅繒陳設御饌皆拒而不受止布衣蔬食悉令弟子分衛唯用陶器行少欲知足無以儔比帝聞之更加仰重謂南陽忠禪師曰欲錫欽一名手詔賜號國一馬德宗貞元五年遣使齋璽書宣勞并慶賜豐厚欽之在京及迴浙令僕公王節制州邑名賢執弟子禮者相國崔渙

裴晉公度第五琦陳少遊等自淮而南婦人禮乞號皆

欽定四庫全書

宋高僧傳  
卷九

三

目之為功德山馬六年州牧王顏請出州治龍興寺淨院安置婉避韓滉之廢毀山房也八年壬申十二月示疾說法而長逝報齡七十九法臘五十德宗賜諡曰大覺所度弟子崇惠禪師次大祿山顏禪師參學范陽杏山悟禪師次清陽廣敷禪師于時奉葬禮者弟子實相常覺等以全身起塔于龍興淨院初欽在山猛獸驚鳥馴狎有白兔二跪于杖屨之間又嘗養一鷄不食生類隨之若影不遊他所及其入長安長鳴三日而絕今鷄

冢在山之椒欽形貌魁岸身裁七尺骨法奇異今塔中塑師之貌凭几猶生馬杭之錢氏為國當天復壬戌中叛徒許思作亂兵士雜宣城之卒發此塔謂其中有寶貨見二窺上下合藏肉形全在而髮長覆面兵士合窺而去刺史王顏撰碑述德比部郎中崔元翰湖州刺史崔元亮故相李吉甫邱丹各有碑碣焉

唐壽春三峯山道樹傳

欽定四庫全書

宋高僧傳  
卷九

三

釋道樹姓聞氏唐州人也少以辯智沈靜虛豁耽嗜經籍曾無少懈其為人也貞固足以幹事隱括足以矯時偶遇僧敦喻遂誓出塵自慨年近不惑求法淹遲禮本部明月山大光院惠文為授業登即剌染二年受具乃觀方向道天台南岳無所不遊後迴東洛遇秀宗喬如芙蓉開通達安靜至壽州三峯結茅而居常有野人服色朴素言談異常於言笑之外化作佛形仙形菩薩羅漢或放神光或呈聲響如是涉一十年學侶覩之不測端緒後皆寂爾樹告衆曰野人作多色伎倆眩惑於人

只消老僧不見不聞伊伎倆有窮吾不見不聞無盡所謂作偽心勞而日拙其自知之卷羞懷拙而去追無朕迹矣樹於寶厯初年示疾而終報齡九十二明年正月遷塔焉

系曰大鈞播物物類紛錯窮數達變因形移易者謂之化謂之幻知幻化之不異生也始窮幻化矣吾與汝俱幻也推之於實則幻化或虛置之於虛則幻化皆實實虛理齊不自我之先後歟體道無心物我均矣故佛言凡所見相唯所見心又云若見諸相非相則見如來樹師有焉

欽定四庫全書

宋高僧傳 卷九

三十三

唐陝州迴鑿寺慧空傳

元觀

釋慧空姓崔江陵人也家世儒雅奕葉纓綬父任陝服靈寶縣空丁艱天屬堅請入空門庸報乳哺重恩乃投迴鑿寺恒超下授受經業三載誦通及格蒙度聽習敏利因入嵩少遇寂師禪會豁如開悟乃迴三峯於仙掌間有道流綢繆論道薄暮方歇非止一過州帥元公頗

知歸向召之多以疾辭或至必登元席代宗皇帝聞其有道下詔俾居京師廣福寺朝廷公卿罔不傾信後終于寺春秋七十大曆八年癸丑九月四日全身堅固而遷塔焉次南嶽東臺釋元觀姓袁氏長安人也父為

河中府掾母兄為沙門甚敦道化見觀幼齡聰慧風標秀舉有成人之度因勸其出家乃投興善寺誦經通利五年得度乃於律部俱舍二本渙然條理後出遊方登諸禪會明悟真性如醒宿醒遂趨衡山於東臺而止其道彌昌冥有所感恒得神人密送供施隨其眾寡不聞有闕忽一日神現形再拜曰我是此山檀越常送薄供者我身是也觀問汝何業所致曰我前身曾稱知識體悟匪全妄受信施坐此為神偶師居此我曹饋糧粗副私願今二十年已足得遂超度故來決別也觀化緣斯極囑累禪徒而終春秋七十九太和四年十月二日遷塔焉

欽定四庫全書

宋高僧傳 卷九

三十三

唐洛京龍興寺崇珪傳

全傳

釋崇珪姓姜氏邳城人也門傳儒素相繼替裾自天寶已來安史之亂侵敗王略家族遷蕩父為商賈趨利運塗於鞏洛間父亡于逆旅珪慨責曰少遭不造子遺哀覺遂議出家至年十八經業蔚通得度俄有雲水之興遊南嶽棲息數齡起迴樂南徐茅山乃依棲霞寺珪已登徑門道聲洋溢會贊皇李公德裕廉問是邦延諸慈和寺一丈雅談如遊形器之外曰吾有幽憂之疾非是居侯藩聚落之人也明歲遂行重抵嵩少居于嶽寺太

欽定四庫全書

宋高僧傳

卷九

和戊申歲洛下亢陽唯嶽中雨信相繼或謂為珪之德動龍神之故也開成元年贊皇公攝冢宰請珪於洛龍興寺化徒兩京緇白往來問道檀施交駢其所談法宗秀之提唱獲益明心者多矣忽告衆決別入方丈而滅春秋八十六白侍郎撰塔銘會昌元年辛酉八月十日入塔云次淮南都梁山釋全植姓芮光州人也少稟異操自言學作佛度生去忽投本州榮光禪院大智下求度師頗嚴謹約其誦經受具後至洛陽參問禪法徹了

無疑辭師觀方至淮南都梁山建立茅舍太守衛文卿命於州治長壽寺化徒衛侯問將來佛法隆替若何植曰真實之物無振自古于今往復軌躅有為之法四相遷流法當墮厄君侯翹足可見預言武宗毀教也植終年九十三門人建塔立碑會昌四年甲子九月七日入浮圖焉

欽定四庫全書

宋高僧傳

卷九

宋高僧傳卷九